

## **Èye si on parloû ène bèquée d'Amour?**

Comme ç'est l'St Valentin, du m'va ci vos racontér in histoire ancienne, ène légende estraordinère qui mettra bî seûr in p'tit rayon d'soleil dins lvo vie dè tous les djoûs.

Il a lômint, bî lômint, il existoût in île pierdue au mitant d'la mer. Les habitants dè c'n'île-la, çî les Sentimints: El Bounheur, el Tristesse, el Charité, el Vanité, l'Amour èye min-me la Haine qu'on avoût mis à costé d'l'Amour pasqué l n'a jamais long dè yun à l'aut'. L'île î foûrt peuplée mais bî calme pasquè les sintimints contraires faisin'té in sorte dè nî trop s'rinscontrér.

In bia djoû, on a annoncé à l'populâtion què l'île dalloût sinfoncér dins la mer èye disparaît' comme l'Atlantide pu timp'.

Les Sintimints in'té bî d'bauchîs mais pou yesse seûrs dè surviv', l z'ont fait lun paquets èye l sont partis testous r'gagnî el terre ferme.

Testous? Non: l'Amour a volu d'morér l'dernî; il a volu d'morér d'jusqu'au dernî moumint pasquè il ainmout s'n'île èye s'pètte maison in forme dè coeur avû des fleûrs tout à l'intour.

Quand l'île a couminchî à s'infoncér, quand l'Amour a yeu dè l'yeau d'jusqu'à ses g'nioux èye qu'il a compris qu'l dalloût s'nouyî, l s'a décidé à criyî au s'cours.

El Vanité qui passoût su in luxueux batia li a dit: « Non, il a trop d'oûr èye d'ardjint su m'batia. l n'a nî place pou l'Amour. »

L'Orgueil a dit: « Non, vo sté tout cru èye vo dallèz imbernér mes riches tapis d'soie. »

El Tristesse disoût: « Non pauv' Amour: du sûs tél'mint trisse què du vû d'morér toute seule. »

La Haine: « Nos s'tons faits pou nos rinscontrér mais nî pou voyadjî inchènes. »

El bounheûr est passé mais l s'toût si heureux qu'l n'a nî intindu l'amour criyî après li.

L'Amour brayoût comme ène Mad'leie à s'vire ainsi abandonné quand tout d'in coûp, il a intindu ène pètte voix qui li d'soût: « Av'néz Amour, du m'va vo r'min-nér à terre avû l'z'aut's. »

L'Amour astoût si souladjî, si binaise dè continuér à viv', qu'l n'a nî d'mandé l'nom dè s'sauveux, surtout qu'à peine es' pîd à terre, l n'a pu vu personne!



L'Amour as'toût bî embarrassé pasquè Il aroût volu ermercyî el cî qui l'avoûts auvé. Il est dallé vîre el Savoir pou li d'mandér:

-« Dites mé Savoir, qui ç'què ç'est qui a bî pu m'assistér ainsi adon qu'les aut's èn' s'in f'sint'té nî pour mi? »

- « El timps. »

- « Eyè pouqué ç'què ç'est què l'timps m'a sauvé? »

- « Pasqu' l' n'a què l'timps qui fait comprind' què sins l'Amour, el vie en'vautnî l'peine dè yesse traversée. »

C'est despûs adon què les larmes dè l'Amour sont pu salées qu'les z'aut's.

Du n'sais nî si vos s'téz comme mi mais du cwois à ç'nhistoire-la. Put-êt' bî qu'du rafentis.

Françwès.